

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.11.2023թ. թիվ 2317354215 որոշումն անփոփոխ, իսկ վարչական բողոքն առանց բավարարման թողնելու մասին

<< 08 >> 12 2023թ. 7-13 12382

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Արման Եսայանի ՄԴ/95696-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արման Եսայանը (**ծանուցման հասցե՝** քաղաք Երևան, Քանաքեռ-Զեյթուն վարչական շրջան, Ռուբինյանց փողոց, 26-րդ շենք, 10-րդ բնակարան) դիմումով խնդրել է վերացնել Ճանապարհային ոստիկանության վարչական տույժ նշանակելու մասին 2317354215 որոշումը՝ նշելով, որ վարորդը շրջանցել է ճանապարհատրանսպորտային պատահարի հետևանքով առաջացած խոչընդոտը, տեսանյութերը և լուսանկարը չեն պարունակում տրանսպորտային միջոցի հաշվառման համարանիշը, իսկ տեսախցիկի համապատասխանությունը կասկած է հարուցում, քանի որ համապատասխանության վկայագիրը օգտագործվում է Երևան քաղաքի այլ խաչմերուկներում տեղադրված մի շարք այլ տեսախցիկների դեպքում ևս:

Դիմումի քննարկման արդյունքում պարզվել է, որ վարչական ակտը ենթակա է կատարման՝ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման համաձայն՝ 5.15.1՝ «Երթևեկության ուղղությունները գոտիներով» ճանապարհային նշանը ցույց է տալիս գոտիների թիվը և երթևեկության թույլատրելի ուղղությունները՝ դրանցից յուրաքանչյուրով:

Նյութերի ուսումնասիրությամբ պարզ է դառնում այն փաստը, որ Երևան քաղաքի Գայի - Նանսեն - Թոթովենց փողոցների խաչմերուկի հատվածում տեղադրված է եղել 5.15.1՝ <<Երթևեկության ուղղությունները գոտիներով>> ճանապարհային նշան, իսկ <<NISSAN>> մակնիշի 77AA550 հաշվառման համարանիշի տրանսպորտային միջոցի վարորդը 20.10.2023թ. ժամը՝ 14:33-ին նշված վայրում երթևեկել է 5.15.1՝ «Երթևեկության ուղղությունները գոտիներով» ճանապարհային նշանով տվյալ գոտու համար չթույլատրված

ուղղությամբ, ինչն անխուսափելիորեն չի կատարվել երթևեկության այլ մասնակցի գործողության կամ անգործության պատճառով, քանի որ երթևեկության մասնակից այլ տրանսպորտային միջոցներ երթևեկել են առանց իրավախախտում կատարելու, ինչը կարող էր անել նաև վերը նշված տրանսպորտային միջոցի վարորդը, հետևաբար թույլ տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով: Նույն հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ինչ վերաբերվում է տեսախցիկի համապատասխանության վկայագրի կասկած հարուցելու մասին պնդմանը, ապա հարկ է նշել, որ թիվ STP-2011-00455 համարանիշը հանդիսանում է Երևան քաղաքում տեղադրված տեսանկարահանող սարքերի համապատասխանության վկայագրի համարանիշը, հետևաբար դրա կրկնությունը տարբեր վարչական ակտերում չի կարող վարչական ակտի անվավերության հիմք հանդիսանալ:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի հատկանիշը, հետևաբար նրան վարչական պատասխանատվության ենթարկելու մասին վերը նշված որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.11.2023թ. թիվ 2317354215 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Արման Եսայանին:

Կատարող Կ.Ահարոնյան
Հեռ. 011544783

Ս. Սարգսյան



Ն. Սարգսյան